


# Dienelkander



## Nuusbrief van die Gereformeerde Kerk Potchefstroom-Oos

7 April 2013

**OGGENDDIENS:** ds Piet

**Skriflesing:** Psalm 1

**Teks:** Psalm 1: 1 - 3

**Tema:** Jou lewe met Christus bring geestelike groei.

Alles in ons lewe is daarop gemik om een of ander doelwit te bereik. Ek studeer om skool of my graad te slaag. Ek werk om suksesvol te wees en om erkenning van een of ander aard te ontvang. Net so moet ons ook doelbewus besig om te groei in ons geloof. Dit is 'n opdrag van God.

Ons moet geestelik sterker en meer volwasse word. Hierdie geestelike groei kan egter nie bloot meganies bewerk word deur een of ander program te volg nie. Geestelike groei kom deur in 'n verhouding met Christus te leef. Psalm 1 leer ons 4 kenmerke van 'n gelowige wat geestelik groei omdat hy/sy in 'n verhouding met Christus leef.

Kan jy die kenmerke ook in jou geestelike lewe raaksien?

**Vooraf sang**

Lied 255: 1,2 en Lied 207: 2,3.

**Ontmoetingsdiens**

Intreelied Lied 151: 1,2; Votum ; Seëngroet; Loflied Ps 84 – 2: 1,2,3; Geloofsbelydenis

**Verootmoedigingsdiens**

Wet – fokus op 7 de gebod; H Kat Sondag 41 en Lees Efesiërs 5: 21 - 33; Sing Sb 9 – 2: 6; Gebed.

**Woorddiens**

Skriflesing; Sing Ps 119 – 2: 22,26; Woordverkondiging.

**Antwoorddiens**

Bevestiging van kerkraadslede; Sing Ps. 134 – 2: 2; Liefdegawes; Sing Psalm 1 – 1: 1,2; Seën; Amen Sb 12 – 2.

**AANDDIENS:** ds Karel

**Skriflesing:** Matteus 18:15-35

**Teks:** Matteus 18:18 en 35

**Tema:** Vergewe van harte, soos wat God jou in Jesus Christus van harte vergewe het!

Na aanleiding van verlede Sondag se preek uit Johannes 20, is die volgende vraag ontvang: “Is dit reg dat ons nie ander se sondes vergewe nie, want dan weerhou ons hulle van God se vergifnis?”

Kom ons antwoord hierdie vraag deur duidelikheid te kry op hierdie twee vrae: Wat is vergifnis en wat is vergifnis nie? en Hoe lyk vergifnis in die verskillende verhoudings in my lewe?

**Vooraf sang**

Ps. 126-1:1, 2 (Tweede melodie) en Lied 510: 1, 3, 4

### **Ontmoetingsdiens**

Intreelied Sb. 10-2; Votum, Seën ; Lofsang Ps. 40-1:1, 6

### **Woorddiens**

Gebed, Sing Ps. 78-2:1, 11; Skriflesing, Woordbediening.

### **Antwoorddiens**

Gebed; Liefdegawes; Gebed vir BnB; Sing Lied 530: 1, 2, 3; Seën; Amens Sb 13-3

## **MEELEWING**

- Evelyn Louw, die ma van Tobianna Willemse, sterk tuis aan nadat sy in Mooimed behandeling vir longontsteking en hartversaking ondergaan het.
- Rina Snyman sterk baie mooi aan in Medikliniek.
- Sebrine Kruger, die dogter van Thys en Karin Kruger, sterk goed aan na 'n operasie in Johannesburg om 'n gebreekte rugwerwel te herstel. Ons is dankbaar dat sy nie verlies van beweging of gevoel ondervind nie.
- Pieter Bredenkamp gaan Donderdag vir 'n operasie in Krugersdorp om druk op senuwees in sy rug te verlig.
- Gerrit en Hestie Janse van Rensburg het Vrydagoggend 'n tweeling babadogtertjies uit die hand van die Here ontvang. Ons is saam met hulle bly en dankbaar.

**Ons bid al hierdie lidmate sterkte en spoedige beterskap toe.**

### **ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID**

Br Hennie vd Berg, Sr Sannie Reyneke, Sr Filina Coetsee, Sr Marianne Kruger, Sr

Bettie Ras, Sr Janet vd Walt, Sr Tokkie Theunisen en Sr Nella Swanepoel.

## **ONDERSTEUNING VIR SIEKES**

**Vir ondersteuning of besoeke deur die hospitaalbesoeke-diensgroep, skakel vir:**

Anna Smith	082 765 9813
Hantie Grobler	082 675 3893 / 018 290 6013
Marian de Kock	082 950 4358
Marique Reichel	082 657 4508
Annatjie Grobler	073 258 7833/ 018 290 9974

of e-pos [siekes@oosdoppers.co.za](mailto:siekes@oosdoppers.co.za)

## **AFKONDIGINGS**

Die volgende aktiwiteite vind DV hierdie week plaas:

### **Vandag**

09:30 Gebedsgroep in Elim

10:00 Oggenddiens

Geen Kleuterbediening

Tee en koffie in die Skuur

Geen Katkisasie

18:00 Aanddiens

### **Dinsdag**

SKOLE OPEN

06:00 Manne Ondersteuningsgroep

17:15 Gesamentlike Jeugkommissie

19:00 Jeugkommissie

### **Woensdag**

10:00 Amandelbloeisels

Geen Katkisasie vir gr 8, 10 en 11

19:00 Beginpunt

### **Donderdag**

18:30 Wyksbyeenkoms: Wyk 17 & 18

## **VERJAARSDAE**

Baie geluk aan almal wat dié week verjaar!

### **Sondag, 7 April**

Jsr Corzel Yssel

082 923 9094

Sr Engela vd Walt

082 556 7806

Jsr Anja Coetsee

072 618 2425

Sr Aline Steenberg 082 923 1297

## WYKSBYEENKOMSTE

### Dinsdag, 9 April

Br Wouter vd Spoel (78) 018 294 7935  
Br Pieter Bredenkamp 082 879 7507  
Br Reinier Terblanche 082 614 6684

Wyk 17 en 18 kom Donderdag bymekaar vir hulle byeenkoms in die Skuur om 18:30.

### Woensdag, 10 April

Sr Zanè Jordaan 074 064 8969  
Jbr DJ de Waal 076 792 1688  
Br Dirk Lubbe 082 771 9245  
Br Roy Bartlett 082 257 3315  
Br Francois Watson 082 855 0423

Volgende Donderdag, 18 April, kom wyke 19 en 20 om 18:30 in die Skuur bymekaar vir hulle wyksbyeenkoms.

**Die doel van die wyksbyeenkomste is dat ons mekaar kan leer ken en dat ons saam praat oor die bediening in en van die gemeente. Wend asb 'n poging aan om hierdie byeenkomste by te woon.**

### Donderdag, 11 April

Br Deon Havenga 082 563 7182  
Br Fanie Bredenhann 082 965 5906  
Sr Marna v Emmenis 083 647 3695  
Jsr Ilè de Beer 082 780 5233

## KERKKANTOOR

Adele begin weer werk op Dinsdag, 9 April.

### Vrydag, 12 April

Sr Nicolette Visser 082 925 2377

## KENELKANDER 2013

### Saterdag, 13 April

Br Ig Hefer 083 651 2055

Ons gemeente se inligtingsboekie Kenelkander 2013 is beskikbaar. Die boekies is in die voorportaal van die saal volgens wyke gesorteer met elke gesin se van op die boekie aangebring.

## ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir die Christelike onderwys.
- Gawe volgende Sondag vir die Emeritusfonds.
- Vrywillige bydrae vir voertuigsekuriteit kan in die bussies by deure gesit word.
- Vormpies vir vrae en deelname aan die prediking is in die voorportaal beskikbaar.
- Diensbeurte: Wyk 27 en 28

Indien jy onseker is oor jou wyknommer kan jy teen die muur in die voorportaal op die alfabetiese lys jou wyknommer nagaan.

Neem asb net een boekie met jou gesin se naam op. Dankie aan al **ons borge** wat help om die koste van die boekie laag te hou. Dank ook aan Adèle wat hard gewerk het om die publikasie gereed te maak.

## DANKIE HERE VIR:

- Die wonder van genesing wat U bewerk
- Genade, liefde en geduld waarmee U ons in moeilike tye dra.
- Die wonder van nuwe lewe wat u skenk.
- Manne en vroue wat hulleself beskikbaar stel vir besondere diens van ouderling en diaken in ons gemeente.

## AMANDELBLOEISELS BYEENKOMS

Ons nooi almal uit na die byeenkoms van die Amandelbloeisels (senior lidmate) Woensdagoggend om 10:00 in die Skuur. Johan van Wyk, seun van Lou en Ina van Wyk, kom vertel ons van die pad wat die Here met hulle geloop het na 'n motorongeluk wat sy hele lewe ingrypend

verander het. Dis 'n stryd van 'n lang siekbed en gestremdheid wat met geloof aangepak word. Almal is welkom – ook ander lidmate wat sou wil kom luister.

**UITERS BELANGRIKE VERGADERING  
MET ALLE OUERS OP 14 APRIL OOR  
KATKISASIE EN JEUGBEDIENING.**

“Dis my ouers wat my verhinder om kerk toe te kom”. Dit was een van die skokkende uitsprake van kinders tydens 'n “Jeugsinode” wat ons verlede kwartaal gehou het. Tydens die geleentheid het hoërskooljeug onder leiding van 'n neutrale persoon prontuit gepraat het oor die tekortkoming van ons jeugbediening. Een van die skokkendste aspekte wat na vore gekom het, is die feit dat kinders getuig dat dit dikwels die ouers is wat hulle verhinder om jeugbedieningsgeleenthede by te woon. Daar was uit die aard van die saak ook ander punte van kritiek op maar ook mooi voorstelle met betrekking tot die huidige stelsel van jeugbediening.

Die Jeugkommissie, Katkisasiekommissie en Bedieningskommissie het vergader om die resultate van die gesprek met die kinders te bespreek en wil graag op 14 April ALLE OUERS toespreek oor 'n voorstel wat ons kategese en jeugbediening dramaties gaan verander.

**DIT IS VAN UITERSTE BELANG DAT ALLE OUERS HIERDIE GELEENTHEID BYWOON EN HULLE INSETTE LEWER.** Indien die voorstel goedgekeur word, gaan dit ons bedieningswyses op Sondagoggende ingrypend verander met die doel om kategese en jeugaksies te bevorder.

**GEBEDE VIR BEDIENING NA BUITE  
UIT “DIE SAAIER”**

**Oostenryk:** Bid vir ons werk om Bybels onder vlugtelinge te versprei. Dank die Here dat ons reisende uitstalling “Die Here het die vreemdeling lief,” wat in 2012 bekendgestel is, deur baie organisasies gebruik word. Ons dank die Here vir die skool- en jeuggroepe wat ons Bybelsentrum in Wene besoek, vir goeie samewerking met alle kerke en vir die aktiewe betrokkenheid van ons raadslede.

**Duitsland:** Bid asb dat dit vir ons moontlik sal wees om met ons fondsinsamelingspogings in 2013 die harte van ons ondersteuners aan te raak, en dat hulle begeerte om die projekte van Bybelgenootskappe wêreldwyd te ondersteun, sal toeneem. Bid dat die vertaling van die Ou Testament van die BasisBibel goed sal vorder en dat die Here die vertalers sal seën en aan hulle wysheid en inspirasie sal skenk.

## PROJEKTE

**Oosdopperfees:** Ons volgende projek vir die jaar is die **Oosdopperfees** op 25 Mei 2013! Wat 'n feesgeleentheid is dit nog elke jaar! Ons sien met opgewondenheid uit daarna!

Behalwe die reeds bekende **Vleisverkoping** waarna baie mense uitsien en die vrieskaste leeg hou, is daar baie ander lekker dinge wat ons dag vul.

### Boeke / CD's / DVD's

Ons wil graag julle al aanmoedig om vir die **Boeke Oase** die oortollige boeke in jul kaste te bring sodat ons dit daar beskikbaar kan stel aan lidmate. Die Boeke Oase was verlede jaar ons beste stalletjie by die Oosdopperfees en het ook die meeste fondse geïen! Bring gerus die wat jy verlede jaar daar gekoop het ek klaar gelees het, sodat ons dit weer met ander kan deel! Enige navrae oor die

boeke oase kan by Ment Larney gedoen word.

Daar het ook 'n voorstel gekom uit die gemeente dat ons **ou CD's en DVD's** by die boeke voeg. As jul dus klaar gekyk is en die DVD's en CD's gaar net stof op - moet julle asseblief dit vir ons bring. Iemand anders kan dit weer geniet!

Ons **Handelshuis** is elke jaar 'n groot treffer en julle kan solank beplan wat jy gaan bydrae vir die handelshuis. Goeie gebruikte klere, gebak veral koeke (een laag) en klein koekies, konfyte, ingelegte vrugte, eiers, groente, plante, biltong, houtspeelgoed, bruikbare tweedehandse speelgoed, ens. Dus enige iets wat jy kan bydrae vir ons Handelshuis is baie welkom.

Die **Poedingtafel** is altyd 'n moet by die Oosdopperfees en hier is jou kans om jou lekkerste poeding vir ons te bring! Beplan asseblief betyds en maak seker dat ons elkeen 'n lekker bakkie poeding kan eet hierdie jaar!

**Vlugbal ("Volleybal") kompetisie** - Ja dit is ook nou al 'n instelling by ons fees en hier is jul kans om daarby betrokke te raak! Al die jonges van gees kan deelneem en solank begin oefen. Praat met Gerrie van Deventer as jy graag wil deelneem.

### **OORWINNINGSFEES 2013**

**Saterdag 20 April om 18:30 in die kerkgebou van Geref Kerk Potchefstroom Die Bult, Molenstraat.**

Kom na ons sangfees waar ons tussen Paasfees en Hemelvaart die oorwinning van Jesus Christus te vier. Die samesang word afgewissel deur die sopraan Antoinette Olivier, Molen Korus onder

leiding van Lorette du Toit en Kobus Venter, instrumentaliste soos Human Coetzee en Anja Viljoen, en begeleiding deur die trompetspeler Simon Korb en orreliste Jetty van Rensburg en Annatjie Verhoef. Suzette en Cecile Eloff sal die voorlesings doen.

'n Sagte kollekte sal gevra word. Die opbrengs gaan ten bate van die Reddersburgse Kinderhuis.

### **Die varkboer (wêreld) en die kerk**

'n Sekere varkboer het geweier om enigiets met die kerk te doen wil hê, want al wat hy gesien het, was 'n klomp skynheiliges wat daaraan behoort het. Hy het altyd twee of drie genoem. Op 'n dag kom die leraar van die kerk na die varkboer om 'n vark te koop.

Na die leraar die hele trop deurgekyk het, wys hy na 'n maer, sieklike en lelike vark en sê: "Ek soek daardie een." Die varkboer het hewig beswaar aangeteken: "Hoekom wil jy daardie een hê? Hy's die lelikste vark wat ek ooit gesien het. Kyk, hier is ander beter varke om van te kies." Die leraar antwoord: "Dit is in orde, ek wil daardie een hê."

Na die transaksie beklink is, sê die leraar: "Nou gaan ek hierdie vark deur die hele gemeenskap neem en aan hulle wys watter tipe vark jy groot maak!" Uit hewige protes sê die boer: "Maar dit is onregverdig. Ek maak goeie, mooi varke groot. 'n Toevallige uitsondering bederf tog nie my hele boerdery nie."

Die leraar verduidelik: "Ek volg maar net jou voorbeeld om die hele kerk te veroordeel as gevolg van die onaanvaarbare geestelike gedrag van een of meer lidmate." Die varkboer moes in skaamte erken dat dit waar is!



## TEESKINKGELEENTHEID

Tee word vandag in die skuur bedien deur wyke 10, 12 en 23. Dankie vir die susters wat met die bediening en opruiming help. Geen poeding tydens die skoolvakansie nie.

## MELKFONDS

Ons herinner u aan ons melkfonds – ons wend die geld aan om elke Sondag die bederf van melkkoffie te kan geniet! Ons waardeer u bydraes hiervoor baie!

## BENODIGHEDE IN DIE KOMBUIS

Liewe susters, baie dankie vir al items wat ons ontvang het vir die kombuis. Ons sal nou die nodige items aankoop wat nog uitstaande is op ons lysie!

## BAIE DANKIE AAN ONS BORG VAN DIE WEEK!



### ONS SPESIALISEER IN DIE VOLGENDE:

- Fyngebak
- Pasteie
- Koekies
- Beskuit
- Terte
- Kruie
- Speserye
- Bakbestanddele
- S.A. Droëvrugte
- Verpakkingsmateriaal

*“Ons bak met passie”*

Gouwsstraat 7 Potchefstroom

Tel : (018) 294 4271